

## TILSKIPUN RÁÐSINS

frá 26. júlí 1971

um samræmingu á lögum aðildarríkjanna um textílfleiti

(71/307/EEB)

RÁÐ EVRÓPUBANDALAGANNA HEFUR,

með hliðsjón af stofnsáttmála Efnahagsbandalags Evrópu, einkum 100. gr.,

með hliðsjón af tillögu framkvæmdastjórnarinnar,

með hliðsjón af álitum Evrópuþingsins <sup>(1)</sup>,með hliðsjón af álitum efnahags- og félagsmálanefndarinnar <sup>(2)</sup>,*og að teknu tilliti til eftirfarandi:*

Í flestum aðildarríkjanna hafa verið sett ákvæði sem skylt er að hlíta um heiti, samsetningu og merkingar textílværa.

Ákvæði þessi eru breytileg frá einu aðildarríki til annars og standa því í vegi fyrir stofnun og eðlilegri starfsemi hins sameiginlega markaðar.

Unnt er að ryðja hindrunum þessum úr vegi með því að setja samræmdar reglur um markaðssetningu textílværa innan bandalagsins. Þess vegna er nauðsynlegt að samræma heiti á textíltrefjum og upplýsingar sem birtar eru á vörumiðum, merkingum og fylgiskjólum með textílvörum á ýmsum stigum framleiðslu, vinnslu og dreifingar.

Einnig þyrfti að setja ákvæði um ákveðnar framleiðsluvörur sem ekki eru einvörðungu gerðar úr textílflefum en innihalda þau og mynda nauðsynlegan hluta vörunnar eða sem sérstök athygli er vakin á af hálfu framleiðanda, vinnsluáðila eða seljanda.

Merkingar ættu að vera skyldubundnar til að ná fram markmiðum þeim sem liggja að baki ákvæðum landslaga á þessu sviði.

Notkun tegundar eða heita sem njóta sérstaks áhlits meðal notenda og neytenda ætti að vera háð sérstökum skilyrðum.

Á síðara stigi verður nauðsynlegt að tilgreina aðferðir við sýnatöku og greiningu textílflefa til að útiloka hugsanleg andmæli gegn aðferðum þeim sem notaðar eru. Enda þótt nógildandi aðferðir innan aðildarríkjanna séu viðhafðar enn um sinn kemur það ekki í veg fyrir að samræmdum reglum sé beitt.

Ekki er ráðlegt að samræma, í sérstakri tilskipun um textílvörur, öll ákvæði sem gilda um slíkar vörur.

SAMÞYKKT TILSKIPUN ÞESSA:

*1. gr.*

Einungis er heimilt að markaðssetja textílvörur innan bandalagsins meðan á vinnslu stendur eða áður en hún hefst og á öllum stigum dreifingar séu þær í samræmi við ákvæði tilskipunar þessarar.

*2. gr.*

1. Í tilskipun þessari merkir „textílvörur“ allar óunnar, hálfunnar eða fullunnar vörur, framleiddar að hluta, fullframleiddar, tilbúnar að hluta eða fullbúnar eða vörur sem að öllu leyti eru samsettar úr textíltrefjum án tillits til þeirrar aðferðar sem notuð er við blöndun eða samsetningu.

2. Í tilskipun þessari merkir „textíltrefja“ efniseiningu sem einkennist af sveigjanleika, finleika og mikilli lengd

<sup>(1)</sup> Stjttíð. EB nr. C 2, 8. 1. 1970, bls. 41.<sup>(2)</sup> Stjttíð. EB nr. C 10, 27. 1. 1970, bls. 9.

samanborið við þykkt sem gerir hana nothæfa í textílframleiðslu.

3. Eftirfarandi vörur teljast til textílvara og heyra undir ákvæði tilskipunar þessarar:

- vörur sem innihalda textíltrefjar sem eru minnst 80% af þyngd þeirra;
- húsgagnaáklæði, regnhlíf- og sóhlífarefni sem er að hluta textíltrefjar, minnst 80% af þyngd; þetta á einnig við um textílefnishluta í marglaga gólfdukkum, í dýnum og í viðlegubúnaði og varmafóður í fótubúnaði, hönskum og vettlingum svo fremi slíkir hlutar eða fóður sé minnst 80% af heildarþyngd hlutarins;
- textílefni sem felld eru inn í aðrar framleiðsluvörur og mynda óaðskiljanlegan hluta þeirra, svo fremi samsetningar sé getið.

### 3. gr.

1. Heiti og lýsing trefja í skilningi 2. gr. eru skráð í I. viðauka.

2. Notkun heita í töflunni í I. viðauka er bundin við þær trefjar sem lýst er undir sömu málsgrein í töflunni.

3. Ekkert þessara heita má nota um aðrar trefjar, eitt sér, sem orðstofn eða sem lýsingarorð á neinu tungumáli.

4. Óheimilt er að nota orðið „silki“ til að gefa til kynna lögum eða sérstaka eiginleika textíltrefja sem óslitins þráðar.

### 4. gr.

1. Óheimilt er að lýsa textílvöru sem „100%“, „hreinni“ eða „al-“ eða nota aðrar áþekkar táknanir nema hún sé einvörðungu samsett úr trefjum sömu tegundar.

2. Heimilt er að textílvara innihaldi aðrar trefjar allt að 2% af þyngd svo fremi tæknilegar orsakir liggi að baki og að þeim sé ekki aukið við kerfisbundið. Sé um kembdar textílvörur að ræða skal hækka vikmörkin í 5%.

### 5. gr.

1. Einungis er heimilt að lýsa ullarvöru sem:

- „laine vierge“ eða „laine de tonte“
- „Schurwolle“
- „lana virgine“ eða „lana di tosa“
- „scheerwol“

ef hún er einvörðungu samsett úr trefjum sem ekki hafa áður verið notaðar í fullunna vöru, hafa ekki verið spunnar og/eða þæfðar nema vegna framleiðslu fyrir nefndrar ullarvöru og hafa ekki skemmt í meðhöndlun eða við notkun.

2. Þrátt fyrir ákvæði 1. mgr. er heimilt að nota orðin hér að framan til þess að lýsa ull í trefjablöndu þegar:

- a) öll ull í blöndunni stenst kröfur skilgreindar í 1. mgr.;
- b) ullin vegur ekki minna en 25% af heildarþyngd blöndunnar;
- c) ullinni er einvörðungu blandað saman við eina tegund trefja af annarri gerð þegar um grófkembda blöndu er að ræða.

Í tilviki því sem um getur í þessari málsgrein skal gefa upp hundraðshluta allra efna í samsetningunni.

3. Takmarka skal vikmörk þau sem koma fram af tæknilegum orsökum og tengjast framleiðslu við 0,3% trefjablöndun þegar um ræðir framleiðsluvörur sem lýst er með einu framantalinnu orða í samræmi við ákvæði 1. og 2. mgr., þar með taldar kembdar ullarvörur.

### 6. gr.

1. Merkja skal textílvöru, sem samsett er úr tveimur eða fleiri tegundum trefja, þar sem ein tegundin að minnsta kosti 85% af heildarþyngd:

- með heiti þeirrar trefjategundar og hundraðshluta hennar miðað við þyngd á eftir, eða
- með heiti þeirrar trefjategundar og orðunum „minnst 85%“ þar á eftir, eða
- með hundraðshlutum allra efna sem framleiðsluvaran er samsett úr.

2. Merkja skal textílvöru, sem samsett er úr tveimur tegundum trefja eða fleiri, þar sem engin trefjategund vegur svo mikið sem 85% af heildarþyngd, með heiti hvarrar helstu trefjategundar um sig og hundraðshluta miðað við þyngd ásamt heitum annarra trefjaefnisþátta á eftir í rétri röð eftir þyngd, þar sem byrjað er á því sem vegur þyngst, með eða án upplýsinga um hundraðshluta miðað við þyngd. Samt sem áður,

- a) er heimilt að merkja trefjategundir sem einar og sér eru minna en 10% af heildarþyngd framleiðsluvöru í einu lagi með tákuninni „aðrar trefjar“ með samanlagða hundraðshluta miðað við þyngd á eftir;
- b) skal gefa upp hundraðshluta allra efna sem framleiðsluvara er samsett úr sé heiti trefjategundar sem ekki nær 10% af heildarþyngd vörunnar tilgreint.

3. Heimilt er að gefa framleiðsluvörum með hreina baðmullaruppistöðu og hreinu hörívafi, þar sem hundradshluti hörs er ekki undir 40% af heildarþyngd ósteinds vefnaðar, heitið „vefnaðarblanda úr baðmull og hör“ og skal þessi lýsing á samsetningu fylgja, „hrein baðmullaruppistaða—hreint hörívaf“.

4. Heimila skal 3% vikmörk milli upp gefins og raunverulegs hundradshluta trefja af heildarþyngd trefja fullunninnar vöru varðandi hundradshluta allra efna sem framleiðsluvara er samsett úr og kveðið er á um í grein þessari þegar um ræðir textílvörur ætlaðar neytendum nema framleiðsluferli tiltekinnar vöru sé þannig að hærrí vikmarka sé þörf.

5. Heimilt er að nota orðin „textílafgangar“ eða „ótiltekin samsetning“ um allar framleiðsluvörur sem ekki er með góðu móti unnt að tilgreina samsetningu á, án tillits til hundradshluta efnishluta þeirra miðað við þyngd.

7. gr.

Leyfa skal 7% vikmörk einungis fyrir sýnilegar, aðgreinanlegar trefjar, ætlaðar til skrauts einvörðungu, til viðbótar þeim vikmörkum sem kveðið er á um í 2. mgr. 4. gr., 4. mgr. 5. gr. og 4. mgr. 6. gr.

8. gr.

1. Setja skal vörumiða á eða merkja textílvörur í skilningi tilskipunar þessarar í hvert sinn sem þær eru markaðssettar vegna framleiðslu eða í viðskiptaskyni; heimilt er að í stað fyrrnefndra vörumiða eða merkinga eða þeim til viðbótar komi viðskiptafylgiskjöl þegar vörurnar eru ekki boðnar neytendum til sölu eða þær eru afgreiddar samkvæmt pöntun frá ríki eða öðrum lögpersónum sem heyra undir opinberan rétt.

2. a) Tilgreina skal á skýran hátt í viðskiptaskjölunum heiti, lýsingu og upplýsingar varðandi trefjainnihald sem um getur í 3., 4., 5. og 6. gr. og í I. viðauka. Með kröfu þessari er sérstaklega girt fyrir notkun skammstafana í sölusamningum, á fylgireikningum og vörureikningum; samt sem áður er heimilt að nota vélrænt táknróf svo fremi að táknrófið sé útskýrt í sama skjali.

b) Þegar textílvörur eru boðnar til sölu eða seldar neytendum skal gefa heiti, lýsingu og upplýsingar varðandi trefjainnihald, sem um getur í 3., 4., 5. og 6. gr. og í I. viðauka, til kynna með greinilegu og læsilegu prentletri sömu tegundar, einkum í verðlistum, auglýsingabæklingum, á umbúðum, vörumiðum og merkingum.

Einstökum atriðum og upplýsingum öðrum en þeim sem kveðið er á um í tilskipun þessari skal haldið algerlega aðskildum. Ákvæði þetta gildir ekki um vörumerki eða fyrirtækjaheiti sem heimilt er að fram komi strax á undan eða eftir einstökum atriðum sem kveðið er á um í tilskipun þessari. Sé vörumerki eða fyrirtækjaheiti samt sem áður gefið til kynna, þegar textílvora er boðin til sölu eða seld neytendum eins og um getur í síðustu málsgrein, og í því kemur fram heiti skráð í I. viðauka eða heiti sem hætt er við að ruglað verði saman við það, eitt sér eða sem lýsingarorð eða orðstofn, skal vörumerkið eða fyrirtækjaheitið koma strax á eftir eða undan heitum, lýsingum og einstökum upplýsingum um trefjainnihald eins og um getur í 3., 4., 5. eða 6. gr. og I. viðauka, prentað með auðlæsilegum og áberandi bókstöfum.

c) Aðildarríkjunum er heimilt að krefjast þess, þegar textílvörur eru boðnar til sölu eða seldar neytendum á yfirráðasvæði þeirra, að vörumerkingar og merkingar sem krafist er í grein þessari séu einnig á þjóðtungum þeirra.

d) Aðildarríkjunum er óheimilt að leggja bann við notkun lýsinga og upplýsinga, annarra en um getur í 3., 4. og 5. gr. sem varða sérkenni framleiðsluvara, séu slíkar lýsingar eða upplýsingar í samræmi við góða viðskiptahætti í viðkomandi landi.

9. gr.

1. Allar textílvörur samsettar úr tveimur eða fleiri efnisþáttum sem innihalda ólíkar trefjategundir hafi áfestan vörumiða þar sem fram kemur trefjainnihald hvers efnisþáttar. Ekki er skylt að viðhafa slíka vörumerkingu um efnisþætti sem eru undir 30% af heildarþyngd framleiðsluvörunnar nema um sé að ræða sýnilegt fóður.

2. Innihaldi tvær eða fleiri textílvörur sömu trefjategund, sem mynda venjulega eina samstæðu, er aðeins þörf á einum áfestum vörumiða.

10. gr.

Þrátt fyrir ákvæði 8. og 9. gr.:

a) er aðildarríkjunum óheimilt að krefjast vörumerkinga eða merkinga, þar sem heiti eða samsetning kemur fram á einhverju því stigi sem um getur í 1. mgr. 2. gr., þegar um ræðir textílvörur skráðar í III. viðauka. Ákvæði 8. og 9. gr. gilda samt hafi slíkar framleiðsluvörur áfestan vörumiða eða merkingu þar sem fram kemur heiti eða samsetning eða vörumerki eða heiti fyrirtækis þar sem fram kemur annaðhvort heiti skráð í I. viðauka eða heiti sem hætt er við að ruglað verði saman við það, eitt sér eða sem lýsingarorð eða orðstofn;

- b) er heimilt að bjóða saman til sölu textílvörur, skráðar í IV. viðauka, af sömu gerð og samsetningu með sameiginlegum vörumiða þar sem fram koma upplýsingar um samsetningar sem kveðið er á um í tilskipun þessari.

*11. gr.*

Aðildarríkin geri allar nauðsynlegar ráðstafanir til að tryggja að ekki sé unnt að rugla upplýsingum, sem veittar eru við markaðssetningu textílværa, saman við heiti og upplýsingar sem kveðið er á um í tilskipun þessari.

*12. gr.*

1. Reikna skal út hundraðshluta trefjategunda sem um getur í 5. og 6. gr. á grundvelli þurrs efnismagns hverrar trefjategundar að viðbættum tilteknum, viðteknum rakaviðbótum sem kveðið er á um í II. viðauka.

2. Draga skal eftirtalda hluti frá áður en hundraðshluti trefja er ákvarðaður:

- klæðningar, tvöfalt fódur og dúkkklæðningar, bindiþræði, saumagarn, jaðra, vörumiða, merkingar, bryddingar, hnappa og leggingar sem ekki eru óaðskiljanlegir hlutar framleiðsluvörunnar, yfirbreiðslur, aukabúnað, skart, teygjur, borða og, með fyrirvara um ákvæði 9. gr., fódur;
- tengjandi uppistöðu og ívaf í ábreiðum, tengjandi og fyllandi uppistöðu og ívaf í gólfdukum, húsgagnaáklæði og handunnum teppum;
- klæðningar úr flosi og marglaga gólfduk nema slíkar klæðningar hafi sömu trefjasamsetningu og flosið;
- feiti, bindingar, þyngingar, gljáaefni, aukalitar- og prentefni og aðrar vörur til að meðhöndla textílvörur með.

3. Aðildarríkin geri allar nauðsynlegar ráðstafanir til að tryggja að atriðin sem eru talin upp í d-lið 2. mgr. séu ekki til staðar í þeim mæli að villi um fyrir neytendum.

*13. gr.*

Aðferðir við sýnatöku og greiningu sem beita á í öllum aðildarríkjunum til þess að ákvarða trefjasamsetningu framleiðsluvara sem tilskipun þessi tekur til verða tilgreindar í sértilskipunum.

*14. gr.*

1. Aðildarríkjunum er hvorki heimilt að banna né hindra markaðssetningu textílværa sem uppfylla skilyrði tilskipun-

ar þessarar af ástæðum sem tengjast heitum eða upplýsingum um samsetningu þeirra.

2. Ákvæði tilskipunar þessarar koma ekki í veg fyrir að beitt sé gildandi ákvæðum í hverju aðildarríki um að vernda einkarétt á sviði iðnaðar og verslunar, að gefa upplýsingar um uppruna framleiðsluvörunnar eða hvar kaup eiga sér stað og að hindra óréttmæta samkeppni.

*15. gr.*

Ákvæði tilskipunar þessarar gilda ekki um textílvörur sem:

- eru ætlaðar til útflutnings til landa utan bandalagsins;
- eru fluttar með umflutningi um aðildarríki Evrópu-bandalaganna undir eftirliti tollyfirvalda;
- eru fluttar inn frá löndum utan bandalagsins til aðvinnslu;
- samið er um afhendingu á til heimavinnandi fólks eða sjálfstæðra fyrirtækja sem vinna úr aðföngum án þess að greiðslur komi fyrir einkarétt sem í þeim felast.

*16. gr.*

1. Aðildarríkin skulu samþykkja nauðsynlegar ráðstafanir til að fara að tilskipun þessari innan átján mánaða frá birtingu hennar og tilkynna það framkvæmdastjórninni þegar í stað.

2. Hverju aðildarríki er heimilt að ákvarða að gildistími innlendra lagaákvæða, sem eru í gildi áður en ráðstafanir til að fara að tilskipun þessari eru gerðar, verði framlengdur um tuttugu og fjóra mánuði að því er varðar textílvörur sem ekki standast kröfur þær sem fram koma í tilskipun þessari.

3. Aðildarríkin tryggi að framkvæmdastjórninni berist helstu ákvæði úr landslögum sem samþykkt verða um málefni sem tilskipun þessi nær til.

*17. gr.*

Tilskipun þessari er beint til aðildarríkjanna.

Gjört í Brussel 26. júlí 1971.

*Fyrir hönd ráðsins,*

A. MORO

*forseti.*

## I. VIDAUKI

## TAFLA YFIR TEXTÍLTREFJAR

Númer	Heiti	Lýsing trefja
1	ull	trefjar úr reyfi sauðfjár ( <i>Ovis aries</i> )
2	alpaka, lama, úlfaldi, kasmír, móhár, angóra, vikúnja, jakuxi, gúanakó <sup>(1)</sup> , með eða án heitisins „ull“ eða „hár“	hár af eftirtöldum dýrum: alpaka, lamadýri, úlfalda, kasmírgeit, angórageit, angórankanínu, vikúnja, jakuxa, gúanakó
3	dýrahár eða hrosshár með eða án upplýsinga um dýrategund (t.d. nautshár, algeng geitarull, hrosshár)	hár af ýmsum dýrum sem ekki eru talin upp undir 1 eða 2
4	silki	trefjar einungis fengnar frá skordýrum sem spinna silki
5	baðmull	trefjar úr fræbelgjum baðmullarplöntunnar ( <i>Gossypium</i> )
6	kapok	trefjar úr innveggjum hýðisaldina kapoktrésins ( <i>Ceiba pentandra</i> )
7	hör	basttrefjar úr stönglum línplöntunnar ( <i>Linum usitatissimum</i> )
8	hampur	basttrefjar úr stönglum hamplöntunnar ( <i>Cannabis sativa</i> )
9	júta	basttrefjar úr stönglum <i>Corchorus olitorius</i> og <i>Corchorus capsularis</i>
10	abaca (manillahampur)	trefjar úr blaðslíðri plöntunnar <i>Musa textilis</i>
11	alfa	trefjar úr laufi plöntunnar <i>Stipa tenacissima</i>
12	kókostrefjar (kókoshneta)	trefjar úr ávexti kókospálmans ( <i>Cocos nucifera</i> )
13	gífill	basttrefjar úr stönglum plöntunnar <i>Cytisus scoparius</i> og/eða <i>Spartium Junceum</i>
14	kenaf (læknakólfshampur)	basttrefjar úr plöntunni <i>Hibiscus cannabinus</i>
15	ramí	basttrefjar úr <i>Boehmeria nivea</i> og <i>Boehmeria tenacissima</i>
16	sísal	trefjar úr laufi <i>Agave sisalana</i>
17	asetat	trefjar úr sellulósasetati með minna en 92% en a.m.k. 74% hýdroxílhópa af ediksýru (acetylated)
18	algínat	trefjar úr málmstöltum úr algínsýru

Númer	Heiti	Lýsing trefja
19	kúpró reion) (kúprammóníum)	endurmyndaðar beðmitrefjar fengnar með kúprammóníumaðferðinni
20	módal	endurmyndaðar beðmitrefjar fengnar með aðferðum sem gefa trefjunum mikið efnisþol og mikið þanþol blautum. Trefjar þessar ættu blautar að hafa togþol sem nemur 22,5 g per tex. Við þennan þunga skal lenging í bleytu ekki vera meiri en 15%
21	eggjahvítuefni ( <sup>3</sup> )	trefjar úr náttúrlegum hvítuefnum, endurmyndaðar og komið í jafnvægi fyrir tilverknad efna
22	tríasetat	trefjar úr sellulósasetati með a.m.k. 92% hýdroxílhópa af ediksýru (acetylated)
23	viskósa ( <sup>2</sup> )	endurmyndaðar beðmitrefjar (trefjar úr hárfínnum þræði og ósamfelldum) fengnar með viskósuaðferðinni
24	akríl ( <sup>3</sup> )	trefjar myndaðar úr línulaga stórsameindum sem ná a.m.k. yfir 85% af keðju þeirri sem akrílnítríl myndar (miðað við efnismagn)
25	klórtrefjar	trefjar myndaðar úr línulaga stórsameindum þar sem klórborið ólefin (t.d. vínýlklóríð, vínýlidenklóríð) myndar meir en 50% keðjunnar (miðað við efnismagn)
26	flúortrefjar	trefjar myndaðar úr línulaga stórsameindum úr alifatískum einliða sameindum flúorkolefnis
27	móðakríl	trefjar myndaðar úr línulaga stórsameindum þar sem akrílnítríl myndar meira en 50% og minna en 85% keðjunnar (miðað við efnismagn)
28	nælon ( <sup>3</sup> )	trefjar myndaðar úr línulaga stórsameindum sem hafa í keðjunni hinn virka amíðhóp sem kemur fram aftur og aftur
29	pólýester ( <sup>3</sup> )	trefjar myndaðar úr línulaga stórsameindum sem ná a.m.k. yfir 85% (miðað við efnismagn) af keðju þeirri sem mynduð er af ester úr díól- og tereftalsýru
30	pólýetýlen	trefjar myndaðar úr mettuðum línulaga stórsameindum úr alifatískum vetniskolefnum sem ekki er unnt að fjarlægja með skiptiefnahvörfum
31	pólýprópýlen	trefjar myndaðar úr mettuðum línulaga stórsameindum úr alifatískum kolvatnsefnum þar sem önnur hver kolefnisfrumeind er tengd metýlkeðju samkvæmt ísótaktískri niðurröðun og án frekari skiptiefnahvarfa
32	pólýkarbamíð	trefjar myndaðar úr línulaga stórsameindum sem hafa í keðjunni hinn virka þvagefnishóp sem kemur fram aftur og aftur
33	pólýúretan	trefjar myndaðar úr línulaga stórsameindum sem myndaðar eru úr keðjum með hinum virka úretanhópi sem kemur fram aftur og aftur
34	vínýlal	trefjar myndaðar úr línulaga stórsameindum sem hafa keðju byggða upp af pólývínýlalkóhóli með breytilegu stigi asetaliseringar

Númer	Heiti	Lýsing trefja
35	trívínýl	trefjar myndaðar úr þremur mismunandi einliða vínýlsameindum, þ.e. akrilnitríl, klórborinni einliða vínýlsameind og þriðju einliða vínýlsameind þar sem engin þeirra nær svo miklu sem 50% af heildarefnismagni
36	elastódfen	teygjanlegar trefjar úr náttúrulegu eða syntetísku pólýísópreni eða úr einum eða fleiri díenum, fjölliðuðum með eða án einnar einliða vínýlsameindar eða fleiri og skreppa strax saman næstum í upphaflega lengd þegar þær eru teygðar þrisvar upphaflega lengd sína og sleppt aftur
37	elastan	teygjanlegar trefjar úr minnst 85% (miðað við efnismagn) af niðurhlutuðu pólýúretani og sem skreppa strax saman næstum í upphaflega lengd þegar þær eru teygðar í þrisvar sinnum upphaflega lengd sína og sleppt aftur
38	glertrefjar	trefjar úr gleri
39	heiti sem svarar til efnis þess sem trefjarnar eru myndaðar úr, t.d. málmí (málmkenndur, málmgerður), asbesti, pappír, með eða án viðbótarinnar „garn“ eða „trefjar“	trefjar úr ýmiss konar efnum eða nýjum efnum sem ekki eru skráðar að ofan

<sup>1</sup> Þegar um ræðir blöndu af fingerðu dýrahári og trefjum úr reyfi sauðfjár er einungis heimilt að nota þessi tilteknu heiti ef þeim fylgir lýsing á samsetningu eins og kveðið er á um í 1. og 2. mgr. 6. gr.

<sup>2</sup> Heimilt er einnig, í fimm ár eftir að tilkynnt hefur verið um tilskipun þessa, að nefna trefjar þær sem falla undir atriði nr. 23 (viskósu) „reion“ þegar um ræðir samfelldan þráð (filament) eða „reiontrefjar“, þegar um ræðir ósamfelldar trefjar, er heimilt að auka orðinu „viskósa“ við í báðum tilvikum.

<sup>3</sup> Orðið „trefjar“ er undirskilið.

## II. VIÐAUKI

VIÐTEKNAR RAKAVIÐBÆTUR SEM NOTA SKAL VIÐ ÚTREIKNING Á  
EFNISMAGNI TREFJA Í TEXTÍLVÖRU

Trefjanr.	Trefjar	Hundraðshlutar
1-2	Ull og dýrahár: greiddar trefjar kembdar trefjar	18,25 17,00
3	Dýrahár: greiddar trefjar kembdar trefjar  Hrosshár: greiddar trefjar kembdar trefjar	18,25 17,00  16,00 15,00
4	Silki	11,00
5	Baðmull: venjulegar trefjar styrktar trefjar	8,50 10,50
6	Kapok	10,90
7	Hör	12,00
8	Hampur	12,00
9	Júta	17,00
10	Abaca	14,00
11	Alfa	14,00
12	Kókostrefjar	13,00
13	Gífill	14,00
14	Kenaf	17,00
15	Ramí (bleikt trefja)	8,50
16	Sísal	14,00
17	Asetat	19,00
18	Algínat	20,00
19	Kúpró	13,00
20	Módal	13,00
21	Eggjahvítefni	17,00
22	Tríasetat	7,00
23	Viskósa	13,00
24	Akríl	2,00
25	Klórtrefjar	2,00
26	Flúortrefjar	0,00
27	Módakríl	2,00
28	Pólýamíð (6-6): ósamfelldar trefjar samfelldur þráður	6,25 5,75

Trefjanr.	Trefjar	Hundraðshlutar
28	Pólýamíð 6:	
	ósamfelldar trefjar	6,25
	samfelldur þráður	5,75
	Pólýamíð 11:	
ósamfelldar trefjar	3,50	
	samfelldur þráður	3,50
29	Pólýester:	
	ósamfelldar trefjar	1,50
	samfelldur þráður	3,00
30	Pólýetýlen	1,50
31	Pólýprópýlen	2,00
32	Pólýkarbamíð	2,00
33	Pólýúretan:	
	ósamfelldar trefjar	3,50
	samfelldur þráður	3,00
34	Vínýlal	5,00
35	Trívínýl	3,00
36	Elastódíen	1,00
37	Elastan	1,50
38	Glertrefjar:	
	samfelldur þráður 5 míkron eða meira að þvermáli	2,00
	samfelldur þráður 5 míkron eða minna að þvermáli	3,00
39	Málmtréffjar	2,00
	Málmgerðar trefjar	2,00
	Asbest	2,00
	Pappírsgarn	13,75

## III. VIÐAUKI

**FRAMLEIÐSLUVÖRUR SEM EKKI ER UNNT AÐ KREFJAST  
VÖRUMERKINGA EÐA MERKINGA FYRIR**

(a-liður 10. gr.)

1. Ermabönd
  2. Úrarmbönd úr textílefnum
  3. Vörumiðar og einkennismerki
  4. Stoppaðar ermálningar úr textílefnum
  5. Tehettur
  6. Kaffihettur
  7. Ermahlífar
  8. Handskjól önnur en úr flosvefnaði
  9. Gerviblóm
  10. Nálapúðar
  11. Málað léreft
  12. Ofið efni í klæðningu og stífur
  13. Flóki
  14. Gamlar uppgerðar textílvörur svo fremi þær séu merktar þannig
  15. Legghlífar
  16. Framleiðsluvörur sem algengt er að nota í vélbúnað eða tækjakost
  17. Umbúðir, ekki nýjar og seldar sem slíkar
  18. Flókahattar
  19. Ílát sem eru mjúk og án undirstöðu, reið- eða aktygi úr textílefnum
  20. Ferðavörur úr textílefnum
  21. Handunninn útsaumur
  22. Rennilásar
  23. Hnappar og spennur kappmellaðar textílefnum
  24. Bókarspjöld úr textílefnum
  25. Leikföng
  26. Textíllhutar fótabúnaðar að undanskildu varmafóðri
  27. Borðmottur samsettar úr ýmsum efnum allt að 500 cm<sup>2</sup> stórar
-

*IV. VIÐAUKI***FRAMLEIÐSLUVÖRUR SEM HEIMILT ER AÐ NOTA SAMEIGINLEGAN  
VÖRUMÍÐA EÐA MERKI FYRIR**

(b-liður 10. gr.)

1. Gólfklútar
  2. Hreingerningarklútar
  3. Bryddingar og leggingar
  4. Kögur, snúrur, fléttuð bönd
  5. Belti
  6. Axlabönd
  7. Sokkabönd
  8. Skóreimar
  9. Borðar
  10. Teygjur
  11. Nýjar umbúðir, seldar sem slíkar
  12. Umbúðasnæri
  13. Borðmottur
  14. Vasaklútar
-